

Uunga siunnersuut: Unammilleqatigiinneq pillugu Inatsisartut inatsisaata aamma nalunaarasuartaatitigut atassuteqarneq nalunaarasuartaatitigullu kiffartuussinerit pillugit Inatsisartut peqqussutaata allanngortinneqarnerinik Inatsisartut inatsisaat nr. xx, ulloq xx. xxxx 2017-imeersoq

(Inuussutissarsiornermut, Suliffeqarnermut, Niuernermut, Nukissiuuteqarnermullu Naalakkersuisoq)

Saqqummiussinermut allakkiaq

(Inuussutissarsiornermut, Suliffeqarnermut, Niuernermut, Nukissiuuteqarnermullu Naalakkersuisoq)

Siullermeerneqarnera

Naalakkersuisut sinnerlugit matumuuna unammilleqatigiinnermut inatsisip allanngortinneqarnissaanut siunnersuut saqqummiutissavara.

Naalakkersuisut nalunaarasuartaateqarnermik suliaqarfimmi niuffaffiusut ullumikkut kismaassilluni akuersissuteqarluni ingerlatsiviusumi pitsaanerusumik malittarisaliuunneqarnissaat kissaatigaat. Taamatuttaaq oqartussat sulianik ingerlatsisarnerat naammassiuminarsarusupparput nalunaarasuartaateqarnermik suliaqarfimmi suliaqartartut iluaqutigisassaannik.

Taamattaq aamma nalunaarasuartaateqarnermik suliaqarfiup ilaa politikikkikut piareersaaffiusartuq niuerfiit malittarisassaliornerannit immikkoortinneqarnissaa kissaatigineqarpoq. Taamaattumik politikikkikut piareersaanermit tunngasut nalunaarasuartaatit pillugit peqqussummi atuuttumiiginnassapput niuerfiillu malittarisassaliunnerat unammilleqatigiinnermut inatsimmut nuunneqassallutik.

Niuerfiit nutaat tamanut ammaanneqassanersut siunnersuummi isummerfigineqanngilaq. Niuerfiit nutaat tamanut ammaanneqassanersut suli nalunaarasuartaatit pillugit peqqussummi malittarisassaliuunneqarput. Unammilleqatigiinnermut inatsisip taamaallaat niuerfiit TELE-POST-ip akuersissuteqarnini peqqutigalugu unammillertiminut naleqqiullugu annerpaamik tigummisaqarfii malittarisassaliussavai.

Naalakkersuisut peqatigiilluni ataatsimut atuisitsisinnaatitsineq aamma internetimut appakaaffissaqartitsineq nalunaarasuartaatit pillugit peqqussummit atuuttumit

unammilleqatigiinnermut inatsimmut nuunniarpaat. Taamaalillutik unammilleqatigiinnermut oqartussat peqatigiilluni ataatsimut atuisitsisinnaatitsineq aamma internetimut

appakaaffissaqartitsineq nakkutigisinnaalissavaat ilutigalugulu suliani niuerfimmi annerpaamik tigumminnittutut atornerluisimanermik pasilliissutit pilertornerusumik aalajangiiffigisalersinnaassallugit.

Siunnersuut nalunaarasuartaatitigut kiffartuussissutinut soorlu internetimut aamma oqarasuaateqarnermut innuttaasunut piumasani naleqquttunik akinillu naleqquttunik qulaarnaarinnissaaq. Akit unamminartut teknologiillu ineriartuinnavinnera kiisalu Kalaallit Nunaata nalunaarasuartaatitigut suliaqarfia pissutigalugit nalunaarasuartaatinik suliaqartartut atuisartullu siunnersuutip iluaqtissartai iluarusuutigissavaat.

Taamatut oqaaseqarlunga siunnersuut Inatsisartunut suliassanngortippara.